



Komunikado

26 di òktober 2018

Presidente di Cft Raymond Gradus: "Saba tin stabilidat gubernamental i maneho finansiero na òrdu"

The Bottom – Durante di su bishita riba 23 di òktober Cft a duna Saba kòmpliment pa e hecho ku el a entregá su dokumentonan presupuestario na tempu i a kontinuá ku su bon maneho finansiero. Ku Kolegio Ehekutivo i Konseho Insular a hiba kòmbersashon riba e proyektonan di rekonstruksion, kuenta anual di 2017, e konsepto di presupuesto di 2019 i e maneho finansiero.

E Kolegio di supervishon finansiero Bonaire, Sint Eustatius i Saba (Cft) resientemente a emití su konseho riba e konsepto di presupuesto di 2019. Ounke esaki ta kumpli ku e eksigensianan ku lei ta preskribí, Saba no ta permití di reservá fondonan pa pago obligatorio di fianza. Mester hasi e pago ku e plaka ku ta disponibel, pa kual meta tin un suma ku ta suficiente.

Saba a entregá su kuenta anual di 2017 na tempu. E kuenta anual tin un resultado positivo di aproksimadamente USD 1,2 mion, i pa di kuater aña esaki a risibí un un deklarashon aprobatorio di akountent. Presidente di Cft Raymond Gradus: "Saba sa kon pa mantené su maneho finansiero riba un bon nivel". Ehekushon di e presupuesto di 2018 no ta muestra ningun partikularidat.

Durante di bishita di Cft na Saba a opservá renobashon di e aeropuerto i a deliberá riba e plannan di rekonstruksion i ampliashon di e haf marítimo. Pa e proyektonan aki i otro mas gobièrnu hulandes a pone sumanan kuantioso disponibel.

Esaki tabata alabes e promé bishita di señor Henk Kamp. Riba 1 di yùli Señor Kamp a bira susesor di señora Sybilla Dekker. Entrante 1 di yùli Cft BES ta konsistí di presidente Raymond Gradus, miembro riba proposishon di BES Herbert Domacassé i miembro riba proposishon di Hulanda Henk Kamp.

[Fin di komunikado]

Nota pa redakshon- no pa publikashon

Persona di kontakto na Cft:

Sekretariado Kolegio di supervishon finansiero

Manus Twisk- Sekretario

Telefon (+5999) 461-9081 / (+5999) 461-9082 / (+5999) 461-9084

Email info@cft.cw

Internet www.cft.cw

Persona di kontakto pa Prensa:

Jefka Martina

Telefon (+5999) 512-6861